



الجامعة الإسلامية العالمية ماليزيا
INTERNATIONAL ISLAMIC UNIVERSITY MALAYSIA
يُونَيْتِي اِسْلَامًا اِنْتَارَا بَعْسَا



يُونَيْتِي اِسْلَامًا اِنْتَارَا بَعْسَا

KES KES HARTA SEPENCARIAN MENGIKUT
ADAT PERPATEH D A N HUKUM SYARAK
DI NEGERI SEMBILAN. SATU ULASAN

OLEH

AHMAD DAMIRI BIN YAHAYA

UNIVERSITI ISLAM ANTARABANGSA

PETALING JAYA SELANGOR.

1989 / 1990

DONATED TO THE LIBRARY OF
INTERNATIONAL ISLAMIC UNIVERSITY
BY

Dr. Mohamad Saedon Awang عثمان
Deputy Dean (Academic), Coll. of Laws

Date Received: *20/8/90*

57803

KANDUNGAN

Prakata	ii
Objektif Kajian	iii
Muqaddimah	iv
Penghargaan	v

BAHAGIAN SATU

Maksud Harta Sepencarian	1
Kaitannya Dengan Hukum Syarak	4

BAHAGIAN DUA

Catatan Kes-Kes	15
Pembahagian Harta Sepencarian	
Mengikut Adat Perpatih	138
Ulasan	142
Kesimpulan	157
Penutup	171

PRAKATA

Kesedaran fahaman terhadap Islam oleh umat Islam sejak akhir akhir ini telah membangkitkan satu keinginan terhadap pelaksanaan perundangan Islam keatas diri mereka dan juga masyarakat.

Hasilnya dapat dilihat dengan wujudnya Institusi Institusi Islam yang amat membanggakan bagi mencapai tujuan ini.

Satu daripada Institusi ini ialah Mahkamah Syariah dimana dapat dilihat banyak permasalahan diselesaikan di Mahkamah Syariah dan termasuklah perkara perkara yang berhubung dengan urusan pembahagian harta sepencarian.

Didalam latihan ini penulis mengemukakan tajuk Kes - Kes Harta Sepencarian Mengikut Adat Perpateh dan Hukum Syarak Di Negeri Sembilan . Satu Ulasan. Untuk buat renungan,ingatan dan juga tindakan pembaharuan semoga Allah memberkati usaha yang dilakukan.

Semoga latihan ini dapat memberikan gambaran tentang harta sepencarian dan jalan penyelesaiannya demi kesejahteraan umat Islam.

OBJEKTIF KAJIAN

Secara umumnya kajian ini adalah merupakan satu ulasan berhubung dengan pembahagian harta sepencarian yang berlaku di Negeri Sembilan di dalam dua cara yang sering diperkatakan iaitu pembahagian secara Syarak dan pembahagian secara adat.

Untuk tidak menimbulkan kekeliruan maka penulis telah membuat rujukan kepada buku-buku dan juga tumubual dengan mereka-mereka yang arif tentang perjalanan Adat Perpateh di Negeri Sembilan yang dapat menjelaskan kedudukan harta dan pemilikan dikalangan pengamal Adat Perpateh.

MUQADDIMAH

Latihan ilmiah ini adalah merupakan satu ulasan mengenai pembahagian harta sepencarian yang berlaku di Negeri Sembilan khususnya didalam Mahkamah Syariah dan didalam Adat Perpatih.

Dalam penulisan ini maka penulis telah membahagikan kepada dua bahagian. Bahagian satu : Maksud harta sepencarian serta pandangan Islam dan Adat dan tidak ketinggalan pandangan oleh para para Hakim yang membuat penarifan didalam Mahkamah Mahkamah Sivil (awam).

Dalam bahagian kedua : Penulis telah membentangkan kes kes yang telah selesai dibicarakan di Mahkamah Mahkamah Syariah dan huraian mengenai pembahagian yang dilakukan didalam Adat Perpatih.

Seterusnya penulis membuat ulasan didalam perkara perkara tertentu sahaja iaitu; Jenis harta (barang) yang dipertikaikan. Keterangan pihak pihak termasuk saksi saksi. Penilaian terhadap harta sepencarian oleh Mahkamah. dan akhirnya keputusan dan perlaksanaannya.

PENGHARGAAN

Dalam ruangan ini penulis mengucapkan terima kasih yang tidak terhingga kepada mereka mereka yang terlibat dalam usaha penulis menyiapkan latihan ilmiah ini.

Yang Mulia Sahibul Fadhilah Tuan Kadi Besar Al-ustaz Baharum bin Hasbullah. Saudara Pendaftar Mahkamah Syariah En. Zulkifli bin Mat Som serta kakitangan kakitangannya. Juga ucapan terima kasih kepada Yang Mulia Dato' Shah Bandar Haji Alias bin Wahid. PPN.PMC.PPS. (Orang Besar Undang). Dato' Purba Abd Aziz bin Hussain (Ketua Lembaga) Orang Besar Jajahan. En. Mat Zain bin Talib. Tua Suku (Waris Sedia Raja) Perut Bukit .

Teristimewa ucapan terima kasih kepada Yang Mulia Profesor Madya Doktor Abdullah bin Abu Bakar selaku penyelia latihan ilmiah ini yang telah banyak memberi bimbingan serta tunjuk ajar dalam menyempurnakan penulisan ini dari awal hingga ke akhirnya. Kepada semua yang terlibat diiringi doa semoga diberkati Allah senentiasa.
Dari : Ahmad Damiri bin Yahaya (NS)

Diploma Undang Undang dan Pentadbiran Ke
hakiman Islam,
Universiti Islam Antara Bangsa,
Petaling Jaya.

Bahagian Satu

Maksud Harta Sepencarian.

Pada umumnya apabila disebut harta sepencarian masyarakat awam beranggapan ianya berasaskan kepada adat semata mata, tidak ada kaitan dengan agama atau pun hukum Syarak . Ini disebabkan apabila ianya dijadikan sebagai perundangan dalam mana adat telah diakui, dan lagi amalan ini telah berlaku sebelum kemasukan Inggeris ke Tanah Melayu. Perkara ini telah diakui apabila E.N.Tailor dalam "Malay Family Low" bermaksud " Di kampung kampung sungai Perak terdapat suatu adat yang diikuti hampir hampir tidak berubah, malalui adat ini apabila berlaku perceraian, maka harta yang diperolehi semasa berkahwin itu dibahagi kedua dua pihak, pembahagian itu pula bergantung kepada kaadaan dan diatur oleh kedua dua keluarga dengan ketua kampung, jika perempuan benar benar telah membantu mengerjakan tanah itu, beliau menerima satu bahagian yang kecil mungkin satu pertiga, jikalau lelaki dari gulungan ini mendapat gaji (umpamanya kakitangan kerajaan) dan harta itu dibeli hasil gajinya, maka bahagian isteri satu pertiga".

-
1. Boto bt Taha v Jaafar bin Mohamed (1985)2 MLJ 98, Prof. Madya Abdullah Abu Bakar, k.kerja (18hb-19 hb. 1989) hal.1

Ada pendapat yang mengatakan pekerjaan itu adalah pekerjaan bersyarikat dalam islam dan ada pula yang mengatakan pekerjaan mengambil upah dan ada pula yang mengatakan masaalah ini adalah masaalah adat yang tidak terlibat dengan hukum Syarak .

Walau bagaimana pun kita menerima bahawa harta sepencarian ini diasaskan kepada adat Melayu, walau bagaimana pun harus diingat bahawa terdapat adat adat yang diiktiraf oleh Syarak sekiranya tidak bertentangan dengan hukum Syarak.

Terdapat berbagai bagai nama yang diberikan kepada harta sepencarian ini, seperti carian laki bini, pencarian, pencurian, Gono gina, harta suarang, guna kaya , dan ada kalanya harta sepencarian juga dikenali dengan harta syarikat dan harta usaha sama.

Pengertian pengertian yang diberikan harta sepencarian ini adalah seperti berikut;-

- a. Harta carian bersama
- b. Perkataan sepencarian memberi erti sama sama mencari atau sama sama berusaha. dan bolehlah

2. Temubual penulis dengan Dato' Purba Abd Aziz b. Hussain (Ketua Lembaga) Orang Besar Jajahan. Sistem Undang Undang Malaysia, hal.48

3. E.N.Tailor "Malay Family Low" dlm JMBRAS vol xv 19 37, hal.55 . Encik Nadzim bin Hj Abd Rahman, K.Kerja, hal 95.

diertikan harta sama sama dicari dan sama sama bertg
ngkus lumus berusaha bagi mendapatkannya

8

c. M.B.Hoorker mentakrifkan " Harta yang dipero
lehi bersama oleh suami isteri dalam masa perkahwi -
nan"

9

d. Hakim Briggs mentakrifkan " Harta yang di
perolehi semasa perkahwinan antara suami isteri ha
sil dari sumber sumber mereka atau daripada usaha
bersama

10

Kesimpulannya harta sepencarian ini bolehlah di
ertikan sebagai harta yang sama sama dicari, harta ya
ng sama sama di usahakan bagi mendapatnya dan ini ti
dak termasuk harta pusaka, hadiah hadiah, yang diberi
kan kepada suami atau isteri atau kedua duanya sekal
li kerana tiada usaha, atau harta yang diperolehi de
ngan diusahakan oleh satu pihak sahaja .

-
4. HJ Abd Kadir bin Hj Ismail. Abd Monir bin Hj Ya
akob, K.Kerja, hal.74
 5. Prof Abdullah Abu Bakar, k.kerja, hal.3
 6. Ibid, hal 8 . Md Akhir b.Hj Yaakob, JH(1405), Jld
V Bhg 1, hal.37.
 7. Dasar dasar Adat Perpatih, hal 63
 8. Hj Abd Kadir bin Hj Ismail. Abd Monir bin Hj Ya
akob, k.kerja, hal;57

Kaitan Dengan Hukum Syarak

Walau apa pun pendapat yang diberikan terhadap harta sepencarian ini tapi satu perkara yang tidak dapat dinafikan bahawa kaitannya dengan hukum syarak sememangnya wujud.

Kewujudan ini sungguh pun tidak disebut secara khusus tetapi para para pemikir islam dan ulama' u lama' telah mengaitkannya dengan hukum hukum Feqah dan juga kaedah kaedah Feqah.

Jika ditelitikan didalam beberapa buah kitab karangan beberapa orang ulama' seperti kitab Bughyatul Mustarshidin oleh Syed Abd Rahman bin Muhammad bin Hussain bin Umar, kitab Al-Umm oleh Imam Sya - fie dan kitab Fiqh al-Sunnah oleh Syed Sabiq dan kitab al-Ashbah wa al-Nazair oleh al-Sayuti, maka amat jelas bahawa masalah masalah yang di - tiabul

-
9. M.B.Hooker, Personnel Laws Of Malaysia. Oxford University Press 1976, hal;77
 10. Hajjah Lijah bt Jamal v Fatimah bt Mat Diah (1950) MLJ 63

kan didalam Bab as-Syarikat (Syarikat) boleh dijadikan peduan bagi mengatasi masaalah harta sepencarian ini.

Antara hujjah hujjah yang akan dipapar -
kan disini ialah;-

1. Dari Kitab Pughyatul Mustaeshidin (terjemahan nas, hal.159) yang berbunyi;

Telah bercampur harta suami dan isteri dan tidak diketahui harta siapa yang lebih banyak, tidak ada tanda tanda yang dapat membezakan harta salah seorangnya, kemudian berlaku perpisahan antara keduanya atau pun mati, maka tidak sah salah seorang daripada mereka (suami isteri) atau warisnya memerintah (menggunakan) sesuatu daripada harta itu sebelum dapat dibezakan atau pun sebelum dibuat perdamaian (al-Sulh), kecuali bersama sama dengan pemilikanya, sebab tidak ada murajjeh (tidak ada tanda tanda membezakan) seperti mereka berka~~s~~ ta (masalah ini sama seperti) jika bercampur burung merpati keduanya (suami isteri) di ketika itu (boleh digunakan) jika boleh diketahui / dibezakan keduanya.

Tetapi jika tidak diketahui (tidak dapat di bezakan), perkara itu hendaklah ditangguhkan sehingga suami isteri atau waris keduanya berdamai dengan melafazkan (kalimah) perdamaian atau pun menyerahkan (hibbah) dengan sama banyak atau berlebih kurang jika mereka itu (suami isteri dan waris) orang orang yang sempurna (bukan mahjur 'alaihi), dan wajib supaya jangan terkurang (pembahagiannya) daripada setengah ($\frac{1}{2}$), bagi orang yang mahjur 'alaihi (orang yang tidak dibenarkan mentadbir harta).

Tetapi jika berlaku kebiasaan yang tetap bahawa salah seorang daripada keduanya (suami isteri) mendapat pendapatan yang lebih dari yang seorang lagi maka perdamaian (sulh) dan penyerahan (hibbah) adalah berdasarkan demikian (lebih kurang). Jika mereka tidak menyetujuinya suatu pun daripada yang demikian, maka pihak yang memiliki sesuatu daripada harta (memegang harta) akan didengar cakapnya melalui sumpah bahawa hartaitu miliknya.

Tetapi jika harta itu dimiliki oleh keduanya (masing masing memegang harta) maka masing masing boleh meminta pihak yang lain bersumpah kemudian harta itu dibahagi dua.

2. Didalam kitab Al-Umm karangan Imam Syafie, terjemahan nas halaman 95-96 telah menyebutkan seperti berikut;

Diceritakan kepada kami oleh al-Rabi'a bin Sulaiman, katanya: Syafie (r.a.) berkata. Apabila bertelingkah seorang lelaki dengan seorang perempuan (suami isteri) tentang perkakas rumah (mata' al bait) yang kedua duanya menduduki rumah itu (sebab) mereka berpisah atau pun tidak berpisah atau kedua duanya mati atau salah seorangnya mati maka menimbulkan pertelingkahan pula antara waris waris keduanya atau waris waris salah seorangnya setelah ia meninggal dunia, maka demikian itu adalah serupa (semua kaadaan ini serupa).

Bagi perkakas perkakas rumah, apabila kedua duanya sama sama menduduki sesebuah rumah yang menjadi milik mereka. Atau pun (perkakas) berada dalam pegangan dua orang lelaki, maka kedua duanya bersumpah bagi (pihak) pemiliknya (menyokong) atas dakwaan pemilik.

ro), Mustaffa al-Babi al-Halabi, ((1952), Md Akhir bin Haji Yaakob, JH(1405)H Jld V Bhg 1, hal.46-47.

Jika keduanya bersumpah maka perkakas perkakas itu dibahagi dua antara mereka, sebab pihak lelaki kadang kala memiliki perkakas perempuan dengan cara membeli, mewarisi dan sebagainya. Begitu juga perempuan kadang kala memiliki perkakas lelaki dengan cara membeli mewarisi dan seumpamanya.

Apabila keadaan ini mungkin, sedangkan perkakas dibawah milik keduanya (dalam pegangan keduanya) maka tidak harus dihukum padanya kecuali dengan hukum ini, sebab benda itu didalam pegangan keduanya. Sesungguhnya Ali bin Abi Talib telah memberi (menghalalkan) kepada Fatimah (r.a.) baju besi (badan min hadid), dan ini adalah daripada perkakas lelaki. Sesungguhnya Fatimah (r.a) ketika itu adalah memiliki baju itu (badan) dan bukan Ali yang memilikinya. Sesungguhnya saya (Syafie) melihat seorang perempuan antara saya dengannya pedang besi yang didapatnya daripada pusaka bapanya, harta yang banyak, baju besi dan Al-Quran. Perempuan itu mewarisi benda benda itu dan bukan saudara lelakinya. Dan saya (Syafie) seorang mewarisi emaknya dan saudara perempuannya kedua-duanya (emak dan saudaranya) malu menjual perkakas kedua-duanya (selepas mati) maka dia mewarisi perkakas perempuan.

Apabila keadaan ini ada (wujud) maka tidak harus padanya cara (hukum) selain dari yang saya sebutkan..Jika kita menghukum dengan berat sangka (dhan) dengan kadar apa yang dilihat, kepada lelaki dan perempuan yang memiliki kemudian kita dapati satu perkakas berada dalam tangan dua orang lelaki yang masing masing mendakwa haknya, sedangkan perkakas itu terdiri daripada permata, mutiara dan perkakas (alat solek) yang paling tinggi nilainya dan salah seorang lelaki tadi pada kebiasaannya memiliki benda benda itu sedangkan seorang lagi pada ghalibnya tidak memiliki demikian; maka kita hukumkan perkakas yang paling tinggi harganya kepada yang kaya kerana pada zahirnya dia lebih utama memiliki benda benda itu, dan kita hukumkan benda benda yang nilai rendah - jika berada didalam tangan orang kaya dan orang susah bukan untuk orang kaya.

Kami tidak mempersetujui apa yang dipersetujui oleh manusia (ijma') selain daripada ini (masalah ini) iaitu rumah apabila berada dibawah milik (pegangan) dua orang lelaki masing masing mendakwa sebagai haknya maka dibahagi dua tanpa diperhatikan apa yang lebih munasabah yang menunjukkan bahawa rumah itu milik salah seorangnya kemudian kita berikan kepadanya ini adalah ijma' dan diharap sebagai adil.

Demikian juga perlu perkakas rumah dan lainnya yang berada dibawah milik (pegangan) dua orang maka tidak ada perbezaan hukumnya, bahawasanya tidak harus bercanggah dengan qias al-asl kecuali dibezakan oleh sunnah dan ijma'. Ditanya kepada mereka yang berkata adakah patut diberikan perkakas perempuan kepada orang perempuan dan perkakas lelaki kepada orang lelaki. Adakah engkau lihat penjual kulit dan penjual minyak wangi kedua duanya didalam sebuah kedai yang dalamnya terdapat minyak wangi dan kulit binatang, setiap seorang daripadanya mendakwa hak keatas minyak wangi dan kulit binatang adakah kamu akan memberi kepada penjual minyak wangi dan penjual kulit kulit? Jika engkau kata saya bahagikan kedua duanya (minyak dan kulit) antara keduanya, akan dikatakan kepada kamu kenapa tidak dibahagikan perkakas rumah yang lebih munasabah kepada perempuan antara lelaki dan perempuan dan perkakas yang lebih munasabah kepada lelaki antara lelaki dan perempuan am seperti penjual minyak wangi dan penjual kulit.

12

12. Syafie, al-Umm Juzuk 5, cetakan pertama, (Cairo, al-Fanniah 1961) Md Akhir bin Haji Yaakob, JH(1405) H, Jld V Bhg 1, hal 48-49-50.

3. Didalam kitab Fiqh al-Sunnah karangan Al-Syed Al-Sabiq didalam bab al-Syarikah, hal 356,357, 358 dan 359 telah menghuraikan tentang persyarikatan, dimana terdapat didalam tajuk Syarikat al-'uqud, di dalamnya terbahagi pula empat syarikat iaitu;

1. Syarikat al-'inan
2. Syarikat al-mufawadzah
3. Syarikat al-abdan
4. Syarikat al-wujud.

13

Syarikat al-'inan

Syarikat ini adalah perkongsian antara dua orang dalam satu kumpulan harta untuk diperniagakan dan keuntungannya dibahagikan antara mereka berdua, ianya tidak mensyaratkan persamaan didalam modal, didalam pengurusan dan didalam pembahagian keuntungan, maka diharuskan modal salah seorang mereka melebihi modal yang seorang lagi sebagaimana diharuskan juga pembahagian keuntungan sama rata atau pun sebaliknya berdasarkan persetujuan antara mereka.

14

13. Al-Syed Sabiq, Fiqh al-Sunnah, juzuk 3, hal.356,
Prof Madya Abdullah Abu Bakar, k.kerja, hal 21.

14 Ibid, hal.357. Ibid, hal.22

Syarikat Al-Mufawadhah

Persyarikatan ini adalah antara dua orang atau lebih bagi sesuatu pekerjaan yang disertai akad antara mereka, disamping beberapa syarat perlu dipenuhi, syarat syarat itu ialah;

1. Modal yang sama banyak
2. Kuasa pengurusan yang sama
3. Seagama
4. Bertanggung jawab sebagai penjamin kepada rakan kungsi.

Jika kesemua syarat syarat itu dipenuhi atau dipatuhi maka syarikat itu adalah sah dan jika berlaku sebaliknya maka syarikat itu adalah terbatal.

15

Syarikat al-Wajuh

Ia itu apabila dua orang atau lebih melakukan pembelian tanpa mempunyai apa apa modal cuma bergantung kepada kemegahan (kemasyhuran) di samping kepercayaan diantara mereka. Dimana keuntungan dibahagi diantara mereka. Ianya bergantung kepada tanggungan tanpa melakukan aktiviti dan modal. Keuntungan dibahagikan berdasarkan kadar milik setiap mereka.

16

15. Ibid, hal 358 . Ibid,hal.22

16. Ibid, hal.359 . Ibid,hal.23

Syarikat Al- Abdan

Ia itu persetujuan diantara dua orang dimana kedua dua mereka bersetuju melakukan pekerjaan (apa apa pekerjaan) disamping dibayar upah berdasarkan persetujuan antara mereka.

Syarikat ini tidak menetapkan persamaan pada pekerjaan atau pun berlainan. Seperti tukang kayu dengan tukang kayu atau tukang kayu dengan tukang besi, sama ada kerja secara berkumpulan atau bersendirian.

Ia juga dinamakan syarikat al-a'mal, syarikat al-sanai' () dan syarikat al-taqabul.

17

Pendirian Mazhab Berhubung Syarikat Syarikat Di Atas.

1. Mazhab Hanafi mengharuskan kesemua jenis salkan syarat syarat dipenuhi
2. Mazhab Maliki mengharuskan tiga syarikat dan membatalkan syarikat al-wujuh
3. Mazhab Syafie mengharuskan syarikat al-i'nan dan membatalkan yang lainnya
4. Mazhab Hambali mengharuskan tiga darinya dan membatalkan syarikat al-mufawadhah.

18

17. Ibid, hal.360 . Ibid,hal.23

18. Ibid, hal 357 .

4. Berhubung dengan adat yang diiktiraf di sisi syarak, ini berdasarkan beberapa kaedah-kaedah feqah, antaranya ialah;

a.

Adat mengambil tempat hukum 19

b.

Amalan manusia adalah menjadi pegangan (hujjah) yang wajib diikuti 20

c.

Sesuatu yang thabit dengan 'urf juga dikira thabit melalui sharak. 21

d.

Sesuatu yang diterima mengikut 'urf samalah kedudukannya seperti sesuatu yang dibuat mengikut syarak. 22

19. Al-Sayuti (9111) Al-Ashbah wa al-Nazair, Isa al-Malabi, Cairo. Prof Madya Abdullah Abu Bakar, k.kerja, hal.3

20. Ibid. The Mejelle, Artikal 43. Ibid, hal.4

21. Al-Fiqh al-Islami, hal. 93., Shalabi. Ibid, hal.4

22. Al-Sayuti, hal.101. Ibn Nujaim, hal.94. Ibid, hal.4

SENARAI KES KES

1. Sofiah bte Abd Aziz
 lwn
 Abd Manaf b. Hj Ahmad
2. Jamilah bte Hitam
 lwn
 Hussin bin Ali
3. Khairul Huda Carol bte Abdullah
 lwn
 Shaharuddin bin Haji Yasin
4. Salbiah bte Abdullah
 lwn
 Ali bin Yunus
5. Nusibah bte Mahat
 lwn
 Nasir bin Yusuf
6. Hasnah bte Bahuddin
 lwn
 Tajul Ariffin b. Hj Alias
7. Siti Yuniar bte Djono
 lwn
 Kasmaruddin b. Abu Kassim
8. Zailah bte Zakaria
 lwn
 Mohd Azizan bin Ismail
9. Rodiah bte Baderam
 lwn
 Muslim bin Lasim

BORANG 1

NEGERI SEMBILAN

UNDANG UNDANG PENTADBIRAN HUKUM SYARAK TAHUN 1960

(Bil.15 Tahun 1960)

Di DALAM WILAYAH KADI BESAR NEGERI SEMBILAN DI SEREMBAN

Perkara Sivill Bil 4 Tahun 1986

ADUAN PERAWA HENDAK MENDAPAIKAN PERKARAAN

TAKKAMAH

Saya Sofiah bte Abd Aziz, k.p. no.4995052 yang tinggal di Lot 69, Kg Jena Baru Sambungan Kemunting, Taiping Perak, Mengangkat sumpah dan berikrar;

1. Saya ialah seorang perempuan yang berumur 29 tahun.

2. Aduan saya ialah seperti berikut;

Saya telah bercerai dengan En Abd Manaf b.Hj Ahmad pada 13.1.1986 di Pejabat Kadi Daerah Seremban dengan talak satu. (Surat ket.cerai Bil.MKD.Seremban Bil.27/86)

Hasil perkongsian hidup dengannya mendapat 3 orang anak, yang tua lelaki, kedua dan ketiga perempuan.

Saya mengadu di Pejabat ini untuk menuntut harta sepencarian seperti berikut;

1. Rumah teres dua tingkat kos rendah

No 371, Taman Jujur, Sikamat

\$39.000.00

2.	Kereta jenis Ford Van No. NV 5151	\$14.000.00
3.	Dapur gas. 1 besar dan 1 kecil.	910.00
4.	Peti sejuk jenis Singer	850.00
5.	TV warna jenis Toshiba 20"	1.400.50
6.	Mesin basuh kain jenis National	500.00
7.	Kerusi tetamu	650.00
8.	Kerusi meja makan	650.00
9.	Hamparan permaidani 2 keping	160.00
10.	Pinggan mangkok	350.00
11.	Periuk nasi jenis National	100.00
12.	Mesin celi jenis Maulinex	50.00
13.	Radio bimbit jenis Sharp	140.00
14.	Gerai buah buahan	450.00
	JUMLAH	<u>\$ 59.260.00</u>

Sekian aduan saya.

t.t.

.....

Dalam Mahkamah Kadi Besar Hegeri Sembilan
Di Seremban Kes Bil Tahun 1986

Sofiah bte Abd Aziz

1. Bersumpah
2. Saya bernikah pada 25.6.1975 di Lenggong Perak.
3. Semasa itu saya bersekolah di Lenggong Perak dia mengenali saya melalui seorang kawan yang berkerjasama dengannya dan ia berutus surat dengan saya (berbalas)
4. Setelah selesai persekolahan 1973 saya berhijrah ke Kuala Lumpur dan bertugas sebagai kornia di Sungai Way
5. Pada 1974 emak saudara saya menerima surat daripada rinya dan menyerahkan surat kepada saya untuk diteruskan hubungan
6. Pada pertengahan 1974 dia menghubungi saya supaya menunggu di Station Keretapi tetapi dia tidak datang hingga kepetang
7. Dia datang keesokan harinya dan pergi ke Balai Polis Sungai Way, semasa itu kami bersua muka
8. Pada bulan 12 1974 saya sering berjalan dengannya dan dia pernah mencabul kehormatan diri saya disebuah hotel.